

Көдлмшинь шамдахмн

Октябрин 42 джилин оон уктдз, республикин селанә адл-ахусин, коллективс килмджтәгъяр мал үвлзүлгънд белдврин көдлмш кўцәджәцхәнә, малин хаша-хаацан. малчнрин гермүдән ясад, үвлзнъгүрн малин хот зөбджәцхәнә.

Болв, Элст балгъсна «Страна Советов» колхоз (гардачнрнь Юхнов, Арбаков, Петенко) үвлд белдврин көдлмш хашнъгар кўцәджәнә.

Саалин гурвн гурт үвлзх гермүднъ ода бийнъ ясгдәд уга, оранъ цоорха, хур орхла — дотрнъ норч ода. Укрч Халенгиновин гуртин үвлзх хаша-хаацнъ ода кўртл тосхгдәд уга, тер гуртин үвлзнъгд ўкр тугъдлулх, нилх тугълмуд бәәх гермүд бас уга. Малчнрин бәәх герин тосхлт эклгдәд уга. Укрч Горбановин үвлзнъг шег-богас цеврлгдәд уга, малд хот өгдг кормушкснъ ясгдәд уга.

Үвлзнъгүр малин хот зөблгънд колхозин гардвр оньган муугъар өгчәнә. Малчнр тер көдлмшт орлцджахш. Горбановин гуртд 219 бод

мал бәәнә, терүнәс 90-нъ тугълмуд. Терүнә үвлзнъгүр ут-турштан 67 тонн шүрүн хот зөбгдсн бәәнә, багъгисн бийнъ тенд 350 тонн шүрүн хот жергтә. Халенгиновин үвлзнъгүр 300 тонн шүрүн хот зөөхин ормд, 20-хн тонн өвсн зөбгддз. Теегт болн малин үвлзнъгүр зөөчксн өвсн муугъар харгдджана, тер учрар мал орад, эвдәд үрәджәнә. Малин хотин гуйр-буудя өгдг кормушкс үвлзнъгсәр багъ, минеральн хот — давсн, церд, нанъ чыгн тоотс бас уга.

Силосиг нүкнәс гаргългън күнд көдлмш, тер көдлмшиг механизировать келгънд колхозин гардвр оньган өгх зөвтә.

Укрчнрин бригадст радио уга, газет, журналмуд хая-хая авч ирнә, эн джилин эргцд ўкрчнр дунд производственн хург кегдәд уга. Укрчнрин бригадмуд дунд социалистическ дөрлән делгрәд уга.

Колхозин правленъ үвлд белдврин көдлмшиг шамддж кўцәх зөвтә.

С. ЧЕПУРНОЙ,